

事類賦

十五

事類賦



事類賦卷第二十六

勃海吳淑撰奉 勅注

果部

桃 李 梅 杏 柰 棗

桃賦

果實多品惟桃可佳夭夭其色灼灼其華

詩曰桃夭后妃之德也 桃之夭夭灼灼其華 或成仙而益壽 神農經曰玉桃服之長生不死臨死服之其尸

畢天地 不朽 或制鬼而祛邪 見春賦畫 雞索草注 或美后妃之德

事二十六

見上 或報瓊瑤之華 詩曰投我以木桃報之以瓊瑤 驚蟄應氣而

斯盛 易通卦驗曰驚蟄大壯初九桃始華不華倉庫多火 農人爲候而無差 崔寔

月令曰三月桃花 盛農人候時而種 陟雲臺而臨崖布綺 列仙傳曰 張陵弟子

趙升就陵受學陵與諸弟子登雲臺山山絕崖有桃樹大如臂陵曰得桃實者告以要道弟子無敢視者升從上自擲正中桃樹得

桃滿懷 游武陵而夾岸舒霞 陶潛桃源記曰晉太元中武陵人捕魚從溪

而行忘路遠近忽逢桃花林夾兩岸芳華鮮美落英繽紛林盡得

山山有小口初極狹行四五步豁然開朗邑屋連接雞犬相聞男女

衣著悉如外人見漁父驚焉爲設酒食云先世避秦難率妻子來此

遂與外隔問今是何代不知有漢不論魏晉既出白太守遣人隨

往尋之迷 不復得 妒媚常聞於武女 妬記曰武陽女嫁阮宣武絕忌家有一株桃樹



華葉灼耀宣歎美之即便大怒使婢取刀斫樹摧折其華

愛惡潛移於子瑕

韓子曰昔弥子

瑕有寵於衛君與君遊於果園食桃而甘以其半啖君君曰愛我哉忘其口而啖寡人及彌子瑕色衰愛弛得罪於君曰是固嘗啖我以餘

至若綏山刻木

列仙傳曰葛由好刻木作羊賣之一旦騎羊上綏山王侯追之皆得仙綏山多

桃故諺曰得綏山一桃雖不得仙亦足以豪

神荼索葦

見春賦畫雞索葦注

犯上既戒

於文侯

新序曰魏文侯見箕季從者食其桃箕季禁之文侯曰箕季豈愛桃哉是教我下無犯上也

雪賤

復聞於夫子

韓子曰魯哀公賜孔子桃與黍孔子先飯黍而後食桃公曰以黍雪桃爾對曰黍五穀

之長桃六果之下君子不以貴雪賤

神女嘗食於二郎

幽明錄曰劉晨阮肇共入天台迷不得返

糧食乏盡得山上數桃啖之遂不飢下山一大溪邊有二女姿質妙絕因要還家勅婢云劉阮二郎向雖得瓊實猶尚虛弊可速

事二十六

二

苑

作食遂停半年懷土而歸

齊相亦殺乎三士

晏子春秋曰公孫接田開強古治子事景公勇

而無禮晏子言於公饋之二桃曰三子計功而食公孫接田開強先言功援桃而起古治子又言其功令二子反桃二子慙而自殺古治子曰

恥人以夸其聲不義也亦反其桃契領而死

山崑崙以霜實稱奇

洛陽伽藍記曰景陽山百

果園有仙人桃其色赤表裏照徹得霜乃熟亦出崑崙山一曰王母桃

磅礴以寒英表異

拾遺記曰磅礴山去扶桑五萬里日所不及其地寒有桃樹千圍萬年實

旄攄異狀而同名

爾雅

曰旄冬桃攄桃山桃

侯白殊味而俱美

晉宮闕記曰華林桃園七百三十株侯桃三株白桃三株

別有綺葉金城之号紫文緗核之名

西京雜記曰上

林有秦桃櫻桃緗核桃綺葉桃霜桃金城桃紫文桃

雖云六果之下

見上雪賤聞於夫子注

誠

為五木之精

典術曰桃者五木之精其精生鬼門制百鬼故今作桃人著門以厭邪

高丘食

膠而輕舉

神仙傳曰高丘公服桃膠得仙

師門食葩而道成

列仙傳曰

師門者嘯父弟子也能使火食桃葩夏孔甲惡之殺而埋之野外山木皆焚孔甲壽未還而死

復有楛羿之

事

淮南子曰羿死於桃楛

畏漢之情

梅子曰王莽畏漢高神靈乃令虎賁拔劍斫高廟桃湯赤鞭灑屋

玄冬霜林之茂

拾遺記曰漢明帝世有獻巨核桃者霜下結花隆暑方熟使植於霜林園俗謂相

陵誤也

朱夏二豆實之英

大戴禮夏小正曰六月煮桃以為豆實

至於漢皇

罷種

漢武故事曰王母出桃七枚以五與帝自啖其二帝留核欲種母曰此桃三千年一實非下土所植也

方朔

潛偷

漢武故事曰東郡獻短人帝呼東方朔朔至短人指朔謂上曰王母種桃三千歲一實此兒不良已三偷之矣

事二十六

三

婁

僵李傷嗟於見累

見井賦僵李摧殘注

土偶哀憐於載

浮

說苑曰孟嘗將入秦客有諫曰臣過淄水上見土偶人方與木梗人語木梗謂土偶曰今大雨至子必沮壞應曰我沮乃反吾真耳

今子東園之桃也刻子以為梗水潦至必浮子泛泛乎不知所止矣孟嘗君乃不行

樊氏競術於靈

變

神仙傳曰樊夫人與夫劉綱俱有道術各自言勝中庭有兩桃樹夫妻各呪其一桃便闕綱所呪桃走出籬外

蔡誕

託詐於仙遊

抱朴子曰五原蔡誕入山而還欺家云到崑崙山有玉桃光明洞徹而堅須玉井水洗之便軟

可亦有種列三名

潘岳閑居賦曰三桃表櫻胡之列

實盈十斛

中

記曰木子之大者有積石山之桃實焉大如十斛器

太清漬花而療疾

太清丹木方曰酒漬桃花

飲之除百疾好顏色

抱朴服膠而絕穀

抱朴子曰桃膠以桑木灰漬服之愈百病久服體有光

能絕 或吮之而頰面見春賦桃 或出之而剖腹鍾離

傳曰周書言秦史趙凱以私恨告園民吳且生盜食 豈若饗食宗廟御桃且生對曰民不敢食王曰剖其腹出其桃

碧實於西遊標名仙錄尹喜內傳曰喜從老子西游

李賦

猗歟穠李果中之美仙縹神紅李果賦云僊李

冬華春子廣志曰鄴園有 或傳芳於黃建廣志

李細小有溝道又有黃建李黃扁 或銜名於青綺西京

李馬肝李鐸李肌粘茹似鐸 武子拔樹以責吝晉書曰和嶠性儉家有好

曰上林苑有 王戎鑽核而彰鄙晉書曰王

子因其直率少年將斧 玉華連理之奇唐書曰貞觀中玉華

詣園飽啖畢伐樹而去 陵朱仲之美任昉述異記曰房陵定山有朱仲李三

常賣恐人得 暉章之鮮茂述異記曰魏文帝安陽殿前天降朱李八枚

即其種也晉宮閣名 中山杜陵之滑首陸士衡果賦云中

曰暉章殿前有嘉李 或以顏子為稱西京雜記曰上林苑

曰杜陵有金李李之 有赤駁有顏淵李出魯國

以韓終見紀洞冥記曰琳國有玉葉李五千年

之狀有無實之稱爾雅曰休無實李 或沈於寒水

魏文帝與吳質書曰浮甘瓜於清泉沈朱李於寒水或報以瓊英見詩邊春則見

於方外山海經曰邊春之山多李負丘則載彼仙經漢武內傳曰仙之上藥有圓丘紅李

著正冠之令範古樂府歌曰君子防未然不虞嫌疑間瓜田不納履李下不整冠振成

蹊之美聲阮籍詩曰嘉樹下成蹊東園桃與李漢書曰李廣將軍恂恂如鄙人口不能出辭及死之日天下

知與不知皆為涕涕諺日桃李不言下自成蹊亦有食玄雲而得道真人王褒內傳曰五

雲丹山上有玄雲李食之得仙食如瓶而有光漢武內傳曰李少君謂帝云鍾山之李大如瓶臣食

之遂生曹而可咽者井上見井賦於苦而不食者奇光

道傍晉書曰王戎年始七歲嘗與諸小兒戲道邊李樹子多折枝諸小兒競走取之唯戎不動人問之答曰樹在道邊

事王六

五

律果

而子多必苦李也取之信然伯陽指之以定姓列仙傳曰老子母扶李樹而生老子老子生而

能言指李樹日以此為姓僧孺辭之於先嘗齊書曰王僧孺少時有

之不受曰大人未見不容先嘗斯朱李之為美冠眾果之鮮芳

梅賦

詩云標有梅其實七兮詩云伊梅柟之酸酢爾雅

日梅柟注似杏實酢亦果中之嘉實既香口而是資詩義疏曰

梅杏類也煮而乾為蘇亦和羹而取適書說命曰若作和羹爾惟鹽梅范

汪啖之於盈斛語林曰范汪至能啖梅常致一斛盍須史啖盡孫亮察之於

漬蜜

兵曆曰孫亮方出西苑食生梅使黃門至中藏取蜜漬梅

中有鼠矢侍中請付獄推亮曰此易知耳今破鼠矢天裏

燥亮大笑曰久在蜜中中當濕

裏燥必黃門為構黃門乃首服

酸一梅不足為百人酸注喻

渴嘗止於三軍

世說曰魏武帝行失道三

軍皆渴帝令曰前有大梅林饒子甘

酸可以解渴士卒聞之口皆水出

越使申梁國之遺

說苑曰越使諸發執一枝梅遺梁王梁臣韓

春

荆州記曰陸凱與范曄相善自江南寄梅花一枝詣長安與曄并贈詩曰折花逢驛使寄與隴頭人江南無所有聊贈一枝春

柳惲之射斯妙

南史曰柳惲嘗與琅邪王瞻博射嫌其皮闊乃摘梅帖烏珠之上發必命中

壽

陽之粧更新

宋書曰武帝女壽陽公主人日卧於含章簷下梅花落公主額上成五出之花拂之不去

事二十六

六

徐果

目後有

折靈山兮攀上林賞紫蕪帶兮翫同

山海經曰靈山其木多梅西京雜記曰上林苑有朱梅同心梅紫蕪梅燕支梅麗枝梅紫花梅侯梅

或以熟

橫公之魚

神異經曰北方荒外有石湖焉方千里中有橫公魚夜化為人刺之不入煮之不死以烏梅二十七煮之即熟

或以煮綺里之金

抱朴子曰綺里丹法以鈔百斤雄黃煮之皆成金太剛以猪膏煮之太柔以

海養

五月之風表信

風俗通曰五月有落梅風江淮以為信風

夏至之雨為淫

周起風土記曰夏至之雨名為黃梅雨沾衣服皆敗黧

豈獨伯禹廟中生枝而事異

風俗通曰夏禹廟中

抑亦蘇耽園裏療病而功深

梅陽先賢傳曰蘇耽後園梅樹下種藥可治百病

杏賦

美此文杏

西京雜記曰上林苑有文杏謂材有文彩

稟精歲星

典術曰杏木者歲星

精結靈山之茂影

山海經曰靈山之下其木多杏

布魏郡之敏系英

盧毓冀州論曰魏郡好杏地產不為無珍

盧謚紀祭享之典

盧謚祭法曰夏祠用杏

師

曠占曲豆儉之萌

師曠占曰杏多實不蟲者來年秋善

三玄是号

南岳夫人傳曰

仙人有三玄紫杏

六出為名

西京雜記曰上林苑蓬萊杏東海都尉于台獻一株花雜五色六出云是仙人所食者

耕沙識務農之節

記勝之書曰杏花如何可耕白沙

糝麥知別

味之精

玄晏春秋曰衛倫過子言及於味稱魏故侍中劉子陽食餅知鹽生精味之至也子曰師曠識勞薪易牙

別淄澠子陽今之妙也定之何難倫因命僕取糧糗以進子嘗之曰麥也有杏李柰味三果之熟也不同于焉得兼之倫笑而不言

退告人曰士安之識過劉氏吾將來家實多故杏時將發故糝以杏汁李柰時將發又糝以李柰汁故兼三味

南海

漂流療飢於舟子

述異記曰杏園洲在南海中多杏云仙人種杏處漢時嘗有人舟行遇風

泊此洲五六月日食杏故免死又云洲中有冬杏

牛山荒饑充食於黎吐

嵩高山記

曰嵩山東北有牛山其山多杏至五月爛然黃茂自中國喪亂百姓飢饉皆資此為命人人充飽而杏不盡

至於擅

美舍章

洛陽宮殿簿曰舍章殿前杏四株

傳名顯陽

洛陽宮殿簿曰顯陽殿前杏六

株 范蠡宅畔

地志曰范蠡宅在湖中有海杏大如拳

光武陵傍

朱超石與兄書

日光武墳邊杏甚美今奉送其核

貢西山於魏土

王逸荔枝賦曰魏土送西山之杏

列仙

祠於賴鄉

述異記曰賴鄉老子祠有縹杏

仲尼坐緇帷之側

莊子曰孔

子遊緇帷之林休坐杏壇之上弟子讀書絃歌鼓琴

董奉植廬山之陽

尋陽記曰董奉

居廬山為人治病得愈者令種杏五株今猶稱董先生杏

又若張元以還主為廉

後周書曰張元性廉潔南隣有杏二樹杏熟多落元園中元悉以還主

馬暢以不恭為懼

唐書曰馬暢燧之子暢以第中大杏饋竇文場文場以進德宗德宗未嘗見頗恠暢令中使就封杏樹暢懼進宅廢為奉城園

或飾之而為梁

司馬相如長門賦曰飾文杏以為梁

或則之而耕土

勝紀

之書曰杏始華榮輒耕輕土弱土望杏花落復耕之輒藺之此謂一耕而五也王元長策秀才文曰杏花昌葉耕穫不忘

五

沃得種植之宜

管子曰五沃之土其木宜杏

三月辨田疇之

事二十七

八

余竑

度

四民月令曰三月杏花盛可播白沙輕土之田

冠郁棣以稱珍見閑居

之麗賦

潘岳閑居賦曰梅杏郁棣華實照爛

柰賦

惟此素柰果中之珍茂虎丘之嘉嘉實

虎丘山疏曰山

下三面有春秋二柰

秀上林之晚春

見下

白花興謠既自於天

公織女

晉書曰成帝杜后崩先是三吳女子相與簪白花望之如素柰謠言天公織女死為之着服至是而崩

玄雲在御更聞於南岳夫人

南岳夫人傳曰夫人姓魏名華存季冬

夜半有真人降夫人靖室設酒肴陳玄雲紫柰

若夫張掖稱奇

廣志曰張掖有白柰

酒泉有赤柰西方例多柰家
以為脯數十百斛以為蓄積
瓜州擅美 張載詩曰三巴黃甘瓜州素柰 實

或丹而或白 潘安閑居賦曰二柰耀丹白之色 英半綠而半紫 西京雜記

曰上林苑有紫柰花紫綠柰花綠 楊愔不顧因号於竒童 三國典略曰楊

惜幼年家有柰樹實落于地羣兒咸爭愔獨坐不顧季父暉見之謂賓客曰此兒恬裕有我風 王祥守

之乃成於孝子 孝子傳曰王祥事後母庭有柰樹始着子使守視祥晝驅鳥雀夜則驚鼠

時雨搖至祥抱樹至曙母見惻然 狀同日給之華 杜恕篤論曰日給之花似柰柰實而日給虛

偽之與真實相似也 名記圓丘之異 漢武故事曰上握蘭園之金精摘圓丘之紫柰 潘丘

有清渠之詠 潘丘東武觀賦曰飛甘瓜於浚水投素柰於清渠 盧諶有夏

祠之制 盧諶祭法曰夏祠法用白柰秋赤柰 採崑崙之絕域 拾遺記曰崑崙有柰

冬生子碧色 植華林之丹地 晉宮閣名曰華林園有白柰四百株 夏成者既

嘉冬孰者尤貴 曹植謝柰子表曰即夕殿中虎賁宣詔賜臣等冬柰一奩詔使温啖夜非食時

而賜見及柰以夏熟今則冬至物以非時為珍甘以絕口為厚 備四真之薦羞有三玄

之芳旨 南岳夫人傳曰夫人與王子喬四真人為宿主設三玄紫柰

棗賦

束束安貝嘉果民之所資或美楨酸之實 爾雅

曰楨酸棗注云樹小實酢孟子曰養其楨棗 或稱還味之滋 爾雅曰還味稔棗注還味短味也

或食人而却邪

劉根別傳曰能常服棗核中人百邪病不復干

或茹葉而

充飢

東觀漢記曰馮愔反鄧禹征之為愔所敗至高陵軍士飢餓皆食棗葉

仲思紫實

大業

拾遺錄曰信都獻仲思棗長四寸紫色細文核肥有味

周文弱枝

潘岳閑居賦曰周文弱枝之棗

晏

子始稱於秦繆

晏子春秋曰景公謂晏子曰東海之中有水而赤其中有棗花而不實何也晏子曰昔

者秦繆公乘乘龍治天下以黃布裹蒸棗而投其布故水赤蒸棗故花而不實公曰吾伴問對曰嬰聞伴問者伴對之

少

君亦遇於安期

史記曰李少君以却老方見上曰臣曾遊海上見安期生食巨棗棗大如瓜

七日

聞之於仙傳

漢武內傳曰七月七日西王母當下為帝設玉門之棗

八月載之於

毛詩

詩曰八月剝棗十月穫稻

觀其纂纂離離

潘岳笙賦曰棗下纂纂生實離離

究其落矣化為枯枝

新之棗之

禮曰棗曰新之爾雅曰棗曰棗之

三星斂系茂

廣志曰官園有三星棗

五苑紛披

韓子曰秦饑應侯謂王曰五苑之果蔬橡棗栗足以活民請發之

安邑穀城之

茂

漢書曰安邑千樹棗與千戶侯等廣志云東郡穀城紫棗長二寸

信都梁國之宜

廣志云信都大棗梁國夫人棗大白棗

遵羊兮衡泚

爾雅曰遵羊棗注實小而具紫黑色今俗

呼為羊矢棗又曰衡泚苦棗

駢白兮感咨

廣志曰駢白棗感咨棗此二者官園所種

伐

東家而去婦

漢書曰王吉東家有棗樹垂吉庭中吉婦取棗以啖吉吉乃去婦東家聞之欲伐樹隣

里共止之因固請吉令還婦里中語曰東家有樹王陽去婦東家棗定去婦復還

握錯金而示兒

春秋

繁露曰握棗與錯金以示嬰兒嬰兒必取棗而不取金故物之於人小者易知

數十年仙童之

顧 東陽記曰信安縣有懸室坂晉時有民王質伐木至石室中見童子四人彈琴而歌質因留倚柯聽之童子以一物如棗核與質質含之便不復飢俄頃童子令其歸質承聲而去斧柯

質質含之便不復飢俄頃童子令其歸質承聲而去斧柯 **二千** 催然爛盡既歸質去家已數十年親舊零落無復昔時矣

歲神女之期 馬明生別傳曰明生少逢神女還岱宗見安期生曰昔與女郎遊於安息西海之際食棗異美忽已二千

年 **若夫曾皙嗜之而靡非忘** 孟子曰曾皙嗜羊棗而曾子不忍食公孫丑問曰膾炙與

羊棗孰美曰膾炙哉曰曾子何食 **孟節即舍之而不食** 後漢書曰

孟節能舍棗核 **既補中而助氣** 本草云凡棗九月採日乾補中益氣 **亦安軀**

而益力 神異經曰北方荒中有棗其高五丈子長六七寸食之可以安體益氣力 **戴禮稱婦人**

之執贄 禮曰婦人之贄脯脩棗栗 **周官設饋饗邊之實** 周禮曰饋食之邊其實棗栗

卷二二六

十一

孫兒

或生於石虎園中 陸劇鄴中記曰石虎園有西王母棗味絕美枝葉葱茂四時不凋九月生

花十二 **或植於景陽山側** 洛陽伽藍記曰景陽山有百果園果別作一林林各有堂有仙

人棗長五寸核細 **羊角崎廉** 鄴中記曰石虎園中有羊角棗廣志有崎廉棗 **細要月**

齊白 爾雅曰邊要棗注細要棗也又曰齊白棗注今棗白熟 **或蔭鄭術** 韓子曰子產治鄭桃李之

蔭於術者 **或饒異州** 魏志曰杜恕上疏曰異州戶口最大又有桑棗之饒國家徵求之府 **名**

擅雞心 廣志曰棗有雞心狗牙獼猴細要之名 **用比狐裘** 呂氏春秋曰棗棘之有裘狐之

有食棘之棗衣狐之裘先 **夏令鑽之而取火** 鄒子曰夏取王固用非其有而已有之 **亦**

春祀竿之而用油 盧諶祭法曰春祠用棗油 **亦有茂韓國** 水經曰酸

棗縣故城古韓國昔天子建國名都或以
山林故豫章以樹氏都酸棗以棘名邦
盛高唐水經注曰高唐縣甘

棗溝水側多棗
故俗取名焉
美陶碩之守節謝承漢書曰河南陶碩鄉曲餉之無所受但食棗飲水

而善程末之居喪蔡邕奏事曰程末年十四時祖父叔病物故末抱伏叔尸號泣悲哀舅哀其

羸劣嚼棗肉以哺之末
見食虧穡不能吞咽
植玉門於上苑西京雜記曰上苑苑有玉門棗茂

歧峯於北荒拾遺記曰北極有歧峯之陰多棗樹百尋其枝莖皆空實長尺核細而柔百歲一實杜

畿之直可尚杜氏新書曰杜畿為河東太守平虎將軍劉勳為太祖所親貴震朝廷常從畿求大棗畿拒以

他故後勳伏法太祖得其書
歎曰杜畿可謂不媚寵也
孫程之謀亦臧東觀漢記曰中黃門孫程謀誅江京

詐謂馬國曰天子與我棗脯使
早成之乃與國等共立順帝
復有無實之稱爾雅云昔無實棗注不著

事二十六

十一

孫

子大白之名廣志云梁國園出大白棗或啗馬而為脯史記曰楚莊王之時有所

愛馬啗
以棗脯
或斫樹而同盟高士傳曰胡昭與晉宣帝為布衣之交同郡周士欲殺帝昭止士士不

肯昭泣以示誠士感其義乃止昭斫棗
樹共士盟而別昭後見帝口終不言
治中賦之而均士英雄記曰孔文

舉為東萊賊所攻城欲破而
其治中左承祖以官棗賦戰士
都尉樹之而有程淮南子曰十月官都尉

其樹
吐而死之鮑焦之介何甚風俗通曰鮑焦耕田而食穿井而飲於山中

食棗或曰子所植
邪遂強吐立枯而死
呼而問也曼倩之術何精東方朔傳曰武帝時上林獻棗上以

所持杖擊未央前殿檻呼朔曰叱叱先生來來先生知此筐中何物也朔曰
上林獻棗四十九枚上曰何以知之朔曰以呼朔者上也以杖擊檻而木

兩木林也來來者棗也叱叱者
四十九枚上大笑賜帛十疋
至於和飴蜜以同甘集玄棗賦曰斐

斐素華離離朱實脆
如霜雪甘如含蜜

與酢梨而並置

應劭漢官儀曰光武封泰山上壇見

酢梨酸棗問其故言者曰百官上者所置上曰封禪大禮千歲一會衣冠士大夫何故爾也

上林有群臣

之獻

西京雜記曰初修上林苑群臣各獻名果多製美名故有青華棗赤心棗

窟室有仙

人之餌

神仙傳曰李意其於城角中作一土窟居其中冬夏單衣但飲酒食脯及棗或百日二百日不出

既

傷其念我弟兄

傅玄歌詞曰黃葉離高柯丹棗坐自零不惜棗自零念我少弟兄

亦

歎其生於棘刺

古詩曰甘瓜抱苦蒂美棗生棘刺

安平地產不謂

於無珍

盧毓冀州論曰安平好棗地產不為無珍

房塘燃膏亦稱其為

異

洞冥記曰房塘細棗出房塘之山山臨碧海萬年一實竿之有膏可用燃燈

事類賦卷第二十六



事類賦卷第二十七



勃海吳淑撰奉

勅注



果部下

梨 栗 甘 橘 瓜

梨賦

惟紫梨之津潤

尹喜內傳曰老子西遊省太真王母共食紫梨又左思蜀都賦曰紫梨津潤

可解煩而釋惰

魏文帝詔曰真定御梨大若拳甘若蜜脆若凌可以解煩釋惰瀚海

耐寒而不枯

西京雜記曰上林有瀚海梨出瀚海耐寒不枯

塗山一秀而千年

事二十七

吳濟

洞宜記曰塗山之北有梨大如斗紫色千年一花冬月乃實煎之有膏食者身輕亦曰紫輕梨

或翫以玄光

漢武內傳曰太上之藥有玄光梨

或植以青田

永嘉記曰青田村民家多種梨名曰官梨

曹操

山陽見之於魏奏

魏武帝為兗州牧上書曰山陽郡有美梨謹上甘梨二箱

張公

大谷聞之於晉篇

潘岳閑居賦曰張公大谷之梨

種之或比於封

君

漢書曰淮北榮南河濟之閒千樹梨其人與千戶侯等

食之因成於地仙

神異經曰東方有樹

高百丈敷張自輔葉長一丈廣六七尺名曰梨實徑三尺剖之白如素食之為地仙張華注曰故是今之梨樹但大耳

翫紫

條之甘脆賞縹蒂之芳鮮

西京雜記曰上林有縹蒂梨紫條梨

若

夫常陽真定之美

傅選士證曰恒陽黃梨巫山朱橘何晏九州論曰安平好棗真定好梨

胸

山御宿之味

左思吳都賦曰果則胸山之梨三秦記曰漢武樊川園一名御宿有大梨如五升墜地則破名舍消

梨哂哀家之蒸食

世說曰相南郡每見人不快輒嗔云君得哀家梨復蒸食不舊說秣陵有哀

仲家梨甚大如升入口消釋言愚人不別好蒸食之

美道安之分遺

世說曰道安公講僧常數百習鑿

齒嘗餉十梨值講安公便於座中手自剖分梨盡人遍都無偏頗

玄圃則侍臣作頌

王讚梨頌曰太

康十年梨樹四枝其條與中枝合生於玄圃園皇太子令侍臣作頌

太山則百官所置

見棗賦酢

梨並苻武齧齒之而同叛

晉書曰苻雙據上邽苻柳據蒲阪苻武據安定將共伐長安苻

堅遣使諭之各齧梨以為信

李泌燒之而獨賜

李鄴侯傳曰唐肅宗嘗夜召穎王等三弟同坐

地爐罽毯上時李泌多絕粒上為自燒二梨以賜之

揚芳乎洞庭之中

山海經曰洞庭之中

其木多梨託植乎明光之宮

晉宮闕名曰明光殿前梨一株

責多而貪

者立謨

宋書曰王立謨征滑臺一疋布責民八百梨

取小而慧者孔融

齊傳曰

孔融年四歲與諸兄食梨輒取小者人問其故荅曰我小兒法當取小者

復有宋武戲馬之

詞

宋武帝戲馬臺梨花讚曰嘉樹之生于彼山基開縈布彩不雜塵縹

王弘河上之賜

王弘

謝賜河上梨表曰奉賜河上梨遠方味甘每垂降及仰佩恩逮俯增祗愧

或以青玉為稱或以

金柯見紀

西京雜記曰上林有青玉梨金柯梨出琅耶王野家太守王唐所獻

崔遠比席

上之珍

唐書曰崔遠文才清麗風神峻整當時目為釘座梨言席上之珍

莊周稱適口

之味

莊子曰楮梨橘柚其味相反而皆可於口

蕭肅齊傳之於讖應

廣五行記

曰宋廢帝太始年江南盛傳種消梨先無此樹百姓爭植之既而後齊蕭氏受禪介象付之於苑

吏神仙傳曰介象言病帝賜美梨一奩曰中象死帝葬之其日唯有一符或融液如含雪或投隊土而成水孫楚秋賦曰朱

脆膚不隱於斷牙融液易於含雪又楊銜之洛陽伽藍記曰報德寺有含消梨重六斤從樹投地盡化為水故曰梨

為百果之宗宋書曰張敷小名植父劭小名梨文帝嘗戲謂之曰植何如梨荅曰梨萬果之宗植何敢比

栗賦

詩云山有漆隰有栗富珍產於五方詩義疏曰栗有五方周秦

儀禮置之於菹南儀禮亡喪禮曰設豆右菹菹南栗東脯周官用之

於籩實周禮曰饋食之籩其實栗則有擅價南安王褒僮約曰南安拾栗

託植儀鸞鳥大業記曰洛陽儀鸞鳥殿南有栗林上林有曹龍之獻

西京雜記曰上林有嶧嶧鳥殿南有栗林箕山有伊尹之呂氏春秋曰伊尹曰果之美者

江浦之橘田饒勸之以待士說苑曰田饒曰果園梨栗後宮婦人掖以相攜而士曾不得一嘗且

夫財者君之所輕也宗度置之而禮賢謝承後漢書曰豫章宗度拜定陵令

縣人杜伯夷清高不仕中山嘗載於異論盧毓冀州論曰中山好栗

度與談論設棗栗而已

中山嘗載於異論

度與談論設棗栗而已

度與談論設棗栗而已

地產不為無珍 **三輔亦稱於計然** 范子計然曰粟出三輔 **別有朔濱之**

饒 王逸荔枝賦云北燕薦胡濱之巨栗 **葛山之美** 山海經曰南山多栗葛山銅山木多栗 **晝拾**

者巢居之食 莊子曰古者禽獸多而人民少於是民皆巢居以避之晝拾椽栗夜棲木上故命曰有巢氏之民

告虔者婦人之執 左傳曰女執不過榛栗棗脩以告虔也 **既表侯榛之**

品 西京雜記曰上林苑有侯栗榛栗 **亦記栲栳之類** 爾雅曰栲栳注樹似榲桲而卑小如細栗可食今江

東呼為栲栗 **應侯發之以諫主** 見棗賦五苑紛披注 **沈約疏之而怒**

帝 梁書曰沈約嘗侍宴會豫州獻栗徑寸半奇之問眾栗事多少與約各疏所知約少帝三事約出謂人曰此公護短前不讓

即羞死帝以其言不遜欲抵其罪徐勉固諫得止 **又聞協嘉祥於名郡** 宋書曰劉秀之

事二十七

四

雁忠

為丹陽尹初秀之從叔穆之為丹陽與子弟宴集廳事柱有一穿穆之謂子弟曰汝等各以栗遙擲入穿者後必得此郡唯秀之栗獨

入報赤心於至尊 梁書曰蕭琛嘗預御筵醉伏上以棗投琛琛乃取栗擲上中面御史中丞在席

帝動色曰此中有人不得如此豈有說也 **嚴遵獨異於群下**

琛曰陛下投臣以赤心臣敢報之以戰栗

會稽先賢傳曰光武詔嚴遵詣行在遇蜀郡獻橘栗上賜公卿以下使各以手所及取之遵獨不取上問其故遵曰君賜臣以禮

臣奉君以恭今賜無所主臣是以不敢 **王泰秀出於諸孫** 宋書曰王泰幼敏悟年數歲祖

母嘗呼諸孫姪散栗於牀群兒競探之泰獨不取問其故對曰不取自當得賜中表咸異之 **使民戰栗**

者周社 見論語 **靖爾家室者東門** 韓詩曰東門之栗有靖家室注靖善也

言東門栗樹其或質大如梨 魏志曰三韓之地大栗如梨 **色黃侔玉**

魏略太子與鍾繇書曰玉書一以零也為稱大戴禮曰八月稱美玉赤擬雞冠黃伴蒸栗

也禮曰栗曰撰之注撰猶選也當集木鵲而有餘莊子曰周

遊乎雕陵之樊觀一異鵲感豈賦狙而不足列子曰宋有狙公

於己也先誑之曰與若杼栗朝三而暮四乎狙皆超然而怒然則朝四而暮三乎眾狙皆喜

甘賦

橘柚之屬其美者有建春之壺甘焉神異經曰東方朔云

東南荒外有建春山美甘樹古今注曰甘形如石榴謂之壺甘磊如景星之彩爛若

隨珠之連宗炳甘頌曰煌煌嘉宜貝磊如景星南金其色隨侯厥形富枝江之珍產

嘉宜都之舊傳荆州記曰枝江有名甘宜懷石城而

失徑異苑曰南康歸義山石城內有甘橘橙柚就食其實任意取足脫持歸者便見大虺或顛仆失徑置東

望而言之旋述異記曰南康郡有東望山山頂有果林周四里許眾果畢植行列整齊如人功也甘子熟嘗有二人造

之共食致飽又懷二枚欲以示外人迴旋半日迷不得歸聞空中語云放雙甘乃聽泐去懷甘者恐怖放甘於地轉眄即見歸徑若

乃平蒂標奇廣志曰甘有二十一核有成都平蒂甘大如升黃包稱異

潘安仁笙賦曰披黃包以授甘傾縹瓷以酌醴張磐母奪於童蒙謝承後漢書曰張磐

字子石為廬江太守尋陽令嘗餉一盃甘其子年七歲就取一枚磐奪付外卒因私以兩枚與兒磐鞭平曰何故行賂於吾子

僧珍偶嘗於宴喜梁書曰呂僧珍既有大勳任惣心膂性甚恭慎當禁中盛暑不敢解衣

每侍御座屏氣鞠躬果食未嘗舉筋助嘗醉後取一甘食武帝笑謂曰卿今日便是大有所進祿外今日月給錢十萬貫植

武陵之木奴

襄陽記曰李衡字叔平為丹陽太守衡每欲治家妻輒不聽後密遣十人於武陵龍陽

洲上作宅種甘千樹臨死物兒曰汝母惡吾治家故窮如是吾州里有千頭木奴不責汝衣食歲上一疋絹亦足用矣及衡甘成歲得

千疋緇數置閭中之守吏

晉令閭中縣置守黃甘吏一人

宜渴者之懷

思張載詩曰三巴黃甘瓜州素奈渴者所思銘之裳帶

實厥包之英粹

郭璞甘贊曰厥包橘

柚精者曰甘

張衡離支之種

七辯曰離支黃甘

賈誼湘州之味

湘州

記曰州故大城內有陶侃廟其地賈誼嘗種甘猶有存者

時艱則揚葩而不實

唐書曰羅

浮甘子開元中始有山種於南樓寺其後嘗資進獻幸蜀幸奉天之歲皆不結實

世泰則移地而

逾美

唐書曰天寶中中書奏臣承德音聞江南為橘江北為枳蓋以地氣有殊物性因變朕近於宮內種甘數株今

秋結實百五十顆乃與江南蜀道所進無別

彼草木之無知胡與時而榮悴

橘賦

伊盧橘之夏熟

吳錄曰朱光祿為建安庭有橘冬覆其樹春夏色變青黑味絕美上林賦曰盧橘夏

熟近是此也

淪瑋星之粹精

運斗樞曰瑋星散為橘

茂彼江浦

呂氏春秋曰江浦之橘漢上之菴所以致之

斲系茲洞庭

山海經曰洞庭之山其木多橘

揚州之

貢

書曰揚州厥包橘柚錫貢

蜀郡之英

揚雄蜀都賦曰於西則鹽泉鐵冶橘林銅陵

既踰

淮而為枳

周禮曰橘踰淮而北為枳地氣然也

亦渡江而作橙

淮南子曰夫橘樹之

江北化 忠臣之心既申於楚相傅玄菊賦曰詩人親王雖

為橙 橘而申貞 純孝之感更見於王靈宋躬孝子傳曰王靈之廬陵西昌人

喪父母二十年鹽酢不入其口庭中橘樹隆冬三實 香皮赤實異物志曰橘為樹白華而赤實皮既馨

香又有 綠葉素榮楚辭曰皇后嘉樹橘來服受命不遷生南國深固難徙更其一志綠葉素

榮紛其可喜注 交甫贈之而著美張衡南都賦曰遊皇天也后土也

曲注遊女漢女也鄭大夫交甫於漢見之而贈之橘柚 陸績懷之而顯名吳志曰陸績年六歲

於九江見袁術術出橘績懷三枚拜辭惶地術謂曰陸郎作賓客而懷橘乎績答欲歸遺母術奇之 若夫雕

飾自資古詩曰橘柚垂華實乃在深山側聞君好我甘竊獨自雕飾 芬芳足貴

子虛賦曰 吳王納貢吳曆曰吳王饋魏文帝大橘帝詔羣臣曰南方有橘酢正烈人牙時有甜耳

單于荷賜東觀漢記曰建武中單于來朝賜橙橘 交趾既為置守異物

志曰交趾有橘官置長一人秩三百石主歲貢御橘 南越亦云有稅任昉述異記曰越多橘柚園越人歲出橘

也 闕澤抗表以除籍吳闕澤表曰請除臣橘籍 楊由占風於受

饋後漢書曰廉范為成都太守部人楊由善占候嘗有風吹削柿范問之由曰方有薦木實者其色赤頃之五官掾獻橘數苞

庾亮之貢已稱於同抵建武故事曰咸和六年平西庾亮送橘十二實共同一抵以為瑞異

中興書曰王者德盛則 僧辯所陳更驚於共蒂梁書曰侯嘉味生橘亦嘉味之流

景將平王僧辯獻嘉 別有箕山曉色呂氏春秋曰箕山之東青馬之所有甘橘

馮羅浮晚香 裴淵廣州記曰羅浮山橘夏熟實大如李 用之給客 魏王花木志曰蜀土有給

客橙似橘而非若柚而香冬夏華實相繼通歲食之亦名盧橘 舉以名堂 宋書曰孝武大明中芳香琴堂東西

雙橘連理 江陵致富比之於千戶 漢書曰江陵千樹橘其人與千戶侯等

莊周著論駢之於百王 莊子曰三王五帝之禮義法度駢猶檀梨橘柚其味相反而

皆可 於口 虞愿不取而道顯 南史曰虞愿始數歲家橘冬恒

儼繫樹而名揚 謝承後漢書曰沛國恒儼字文林罷節縣居揚州從事屈豫室中庭有橘樹一

株過其實熟乃以竹藩樹四面風吹動兩實墮地以繩縛繫樹 亦有裂衣牙酸酢 見上

納貢 撫手華飾 崔琦七蠲曰于斯江臯實產橘柚孟冬之月於時可食撫以玉手永用華飾

馬二十七

徐見

晏子侍坐而不剖 晏子春秋曰晏子侍楚楚王進橘置削晏子併食不剖王曰橘當剖對曰

臣聞賜人主前者瓜挑不削橘柚不剖今者萬乘無教故不敢剖臣非不知也 嚴遵當賜而靡食

見栗賦嚴遵 代苦挑而已誤 楚辭云斬伐橘柚列樹苦挑 夢黃衣

而更失 廣五行記曰陳後主夢黃衣人圍城繞城橘盡伐去之及隋兵至上下通服黃衣 若夫違江

洲之暖氣處玄朔之寒色 曹植橘賦曰播萬里而遙植列銅雀之園廷背江州之暖

氣處玄朔之晝清 彼南土之不遷諒難成於甘實 已見上綠葉素榮

注 斯固百越所厭飫 鹽鐵論曰漢武平越以爲園圃而民皆厭橘柚 而堯舜

不常食也 正論曰橘柚之貢堯舜不恒嘗山龍華蟲帝王不以爲褻服也

瓜賦

伊甘瓜之珍果熟朱夏之芳時

陸機瓜賦曰佳哉瓜之為德邈眾果而

莫賢隱中和之淳祐播滋榮於甫田其芳春於初載迎朱夏而自延

布密密葉之繁系茂引

長蔓之逶迤

傅玄瓜賦曰次落莫之密密兮交逶迤之脩莖陸機瓜賦曰赴廣武以長蔓粲煙槁以雲連

奮脩系之莫莫邁秀體之絲絲

既落蒂以離母

夏侯孝若梁田賦曰入果林造瓜田摘虎掌拾黃

班落蒂離丑漬以寒泉

可解煩而療飢

王廙洛都賦曰瓜則桂枝栝樓綠壤青肌消暑蕩滯

解渴療飢

浮以清泉

魏文帝與吳質書曰浮甘瓜於清泉沈朱李於寒水

罽幕以織

締

劉楨瓜賦曰析以金刀四剖三離承以雕盤罽以織締

玄肝素腕

陸機瓜賦曰金釵蜜筍小青大班玄

享二十七

九

包王

肝素腕狸首虎蹠又裴淵廣州記曰州有瓜冬熟名金釵

羊髓龍蹄

廣志曰瓜之所出以遼東廬江嫩

煌之種為美有烏瓜魚瓜龍蹄瓜羊髓瓜大如斛出涼州陽城御瓜有青登之名大如三升魁

空同四劫以方

安貞

漢武內傳曰仙之上藥有空同靈瓜四劫一實廣異記曰謝玄卿見東華夫人夫為設玄洲白柰空洞靈瓜

會稽

五色而稱奇

任昉述異記曰吳相王時會稽生五色瓜今吳中有五色瓜歲充貢獻

曾參已

駭於鳥集

抱朴子曰曾參鋤瓜三足鳥集其冠

孫鍾俄鵲於鵠飛

幽明錄曰孫鍾富春人堅父也與母居至孝種瓜為業忽有二少年容服妍麗詣鍾乞瓜鍾為設食出瓜禮敬慇懃三人臨去曰我等司

命郎感見接之厚欲連世封侯為數世天子鍾曰數世天子故當所樂悉化成白鵠

梁武有任昉之

悼

梁書曰任昉卒武帝方食西苑綠沈瓜投之於盤悲不自勝因屈指曰昉少時自言常恐不滿五十今四十九矣可謂知命

太宗有如晦之悲

唐書曰杜如晦薨後太宗食瓜美愴然思之遂輟其半使置之於靈座

冰

谷花紅

洞冥記曰有龍肝瓜長一尺花紅葉素生於冰谷所謂冰谷素葉之瓜

燉煌味美

漢書

地理志曰燉煌古瓜州地生美瓜

甘号蜜筍筒

傅玄瓜賦曰舊有蜜筍筒及青栝樓嘉味鮮類寡儔

芳

稱桂髓

陸機瓜賦曰東陵出於秦谷桂髓起於巫山

杞匏見易

史卦

締巾

著禮

禮曰為天子削瓜者副之巾以締

夫差得之於近道

吳越春秋曰吳夫差為越

所敗遁而去得自生之瓜撰而食之問左右曰是乃冬有瓜近道而人不取何也左右曰盛夏之時人食生瓜起居道傍瓜子復生故人惡

食之郭祚奉之於太子

後魏書曰郭祚領太子少保從世宗幸東宮肅宗幼弱祚

懷一黃瓠奉焉時人号為黃瓠少保

驗物變於化魚

莊子曰朽瓜化為魚物之變也

遠嫌

疑於納履

見李賦正冠令範注

摘之而豈堪抱蔓

唐書曰高宗子八人

武后所出者自為行第長孝愨皇帝監國而仁明為后所忌乃鴆之次雍王賢為太子次中宗次睿宗及孝愨遇害諸弟常不自安乃作黃臺瓜詞令樂人歌之曰種瓜黃臺下瓜熟子離離一摘使

瓜好再摘令瓜稀三摘猶尚可四摘抱蔓歸太子竟流黔州

之而唯宜漬水

博物志曰人以冷水自漬至膝可頓啖數十枚瓜漬至要背啖轉多至頸可啖百餘枚所漬水

皆作瓜氣

守有輿父之蟲

爾雅曰權輿父守瓜注今瓜中黃甲小蟲

祭有上

環之義

禮曰瓜祭上環

爾其翫茲萃萃憐此綿綿

詩曰

瓜狀萃萃又絲絲瓜狀

耀青門之朝日

阮籍詩曰昔聞東陵瓜近在青門外連畛距阡陌子母相

鈎帶五色耀朝日嘉賓四面會

洗玉井之寒泉

抱朴子曰五原蔡誕入山而還欺家人云至崑崙得

玉瓜以玉井水洗之乃軟可食桑虞剪棘以資盜晉書曰桑虞仁恕園在宅北瓜果初

熟有人踰垣盜之虞以為園援多棘刺恐偷人致傷乃使奴為之開道及偷負瓜將出見道通利知虞使除之乃送所盜瓜叩頭請

過原平却水而溉田齊書曰郭原平以種瓜為業大明七年大旱舡瀆不復通舡縣令劉

僧秀愍其窮老下瀆水與之原平曰普天大旱百姓俱困豈可減溉田之水以通運瓜之舡乃步自他道往錢塘貨賣偉

辭餉之翁仲吳錄曰姚翁仲嘗種瓜菜灌園以供衣食人或餉之無所受美自給之

施延後漢書曰施延字君子沛人也家貧母老常鬻力供養種瓜白給若夫名擅三芝

嵇含甘瓜賦其序曰世云三芝瓜處一焉謂之土芝香浮七夕荆楚歲時記曰七月七日設瓜果於庭中以乞巧有喜

子布網於瓜上則為得巧戴禮標時大戴禮曰五月乃瓜乃瓜者治瓜之辭也瓜也者始食瓜八月剥瓜蓄瓜

時漢官蒞職漢官儀曰大官果丞官別在外掌瓜菜茹垂星漢之文天

有瓠植戊辰之日崔寔月令曰種瓜星見仙人之博戲

列仙傳曰服閭者往來海邊諸祠中見二仙人於祠中博賭瓜雇閭使擔黃瓜數十頭令瞑目乃上方丈山識徐光

之幻術搜神記曰吳時有徐光常行幻術於市里從人乞瓜其主弗與便從索辦種之俄而瓜生蔓延成花實乃取食之

因賜觀者鬻者反視所賣皆耗矣嘉其三蔓唐書曰貞元四年夏右神策軍獻瑞瓜三蔓合為一帶而

生三惡茲兩鼻龍魚河圖曰瓜有兩鼻者殺人戎葵丘而未代左

曰齊侯使管至公戎葵丘瓜時而往曰及瓜而代甚成公問不至請代不許隱東陵而自佚史記曰邵

平者秦東陵侯秦破為布衣貧種瓜長安城東瓜美故世謂東陵瓜則有黃若金竹相傅

瓜賦曰白者如素黑者如漆黃瑜金箱青侔含翠

甘逾蜜房劉楨瓜賦曰甘侔漆黃瑜金箱青侔含翠

醲外偉張載瓜賦曰或玄表丹裏呈素含紅豐膚外偉綠壤內醲

堂中蠅集唐武儒衡字庭碩元衡辦豐言絕異食之不飴

塞外狐藏宋書曰瓜州杜預云出大瓜故也亦云處來集於此

至於鎮鄭灼之心梁書曰鄭灼字茂昭勵志好學多苦心熱若瓜時輒偃卧以瓜鎮

並阜陶之色孫卿子曰阜陶之色如削瓜

而給人道學傳曰褚雅字玄通與人共居常取水洒掃或夏月種瓜恣人來取

而饋客齊書曰晉陵王子良善立勝事夏月客遊至為設瓜飲

秋夏盧湛祭法曰夏祀秋祠皆用瓜

表異名於峽灼爾雅曰峽灼其紹峽注俗呼灼瓜為峽紹者瓜蔓緒亦

靈種嘗見於洞臺黃庭內經注曰大霍山下有洞臺

絳實亦聞於南岳見柰賦玄靈瓜食之心通至玄

重王羅之純儉後周書曰王羅性儉率嘗有客與羅食瓜客削瓜侵膚稍厚羅意嫌之及瓜皮

嗟士安之未學晉書曰皇甫謐年二而食之客甚有愧色

嘗得瓜果輒進叔母任氏任氏曰孝經云三牲之養猶為不孝汝今年餘二十目不存教心不入道無以慰我因歔歔流涕謚

復聞狸頭女臂月之狀廣志曰有狸頭羊

羊

駁虎掌之名

張載瓜賦曰羊駁虎掌桂枝蜜筍

步隲晝勤於四

體

吳錄曰步隲衛於同年相友俱以種瓜自給晝勤四體夜誦經傳

宋就夜灌於鄰亭

賈誼新書曰梁大夫宋就為邊縣今與楚鄰界兩亭皆種瓜梁人勸力數浸其瓜美楚人竊而稀灌其瓜惡楚今以梁瓜美夜竊搔之梁瓜皆有焦者矣梁亭請其尉欲報搔楚瓜宋就曰是構怨分禍之道也今人竊為楚亭夜灌瓜楚亭旦而往瓜則已灌瓜日以美往而察之則梁亭為也楚令大悅以聞楚王楚王悅梁之陰讓也謝以重幣而交於梁王

焦華

感黃冠之異

孝子傳曰焦華父遺嘗病甚冬中思瓜華夢一人黃冠謂曰聞子父病思瓜故送

以助養華拜受之及寤在手馨香非常父食而病愈

史稜記涼殿之徵

三十國春秋曰

涼天水太守史稜暴疾死五日而蘇云見涼光殿皆生白瓜及秦史梁熙滅涼小字白瓜也

亦聞報以

匹帛

梁書曰郭祖深清儉常服故布褐素木案食不過一肉有姥餉以早青瓜祖深報以匹帛富人効之以利貧

祖深鞭而徇衆朝野憚之

主於織女

續漢書曰牽牛主關梁織女主瓜果

葛玄隆

冬而待賓

神仙傳曰葛玄冬為客設生瓜

宋瓊季秋而遺母

北史曰宋瓊字普賢以孝稱母曾病季秋日思瓜瓊夢想見之求而遂得時人異之

譏楊愔以言

貌

後魏書曰楊愔典選多以言自取人時謗詞云尚書典選似貧人買瓜唯取大者

感靈珍於

朝暮

沈約宋紀曰韓靈珍至孝母亡家貧無以葬種瓜半畝朝採暮還復生未嘗減耗葬事由此得舉

或

以憂死而遠逃

古文瑣語曰初刑史子臣謂朱素公從今已往五祀五日臣死自臣死後五年五

月丁亥吳止以後五祀八月辛巳君薨刑史子臣至死日朝見素公夕而死後吳亡素公懼思刑史子臣之言將至死日乃逃干瓜

圃死之求 得已蟲矣 或以斷根而見怒 家語曰曾子芸瓜而誤斷其根曾指怒以大杖

擊其背曾子仆地有頃乃蘇孔子聞之告門弟子曰參來勿內也曾子使人請孔子孔子曰舜之事瞽瞍小捶則待大杖則

走參委身以待暴怒既身死 陷父於不義不孝孰大焉 不食方歎於仲尼 論語云

止渴嘗同於齊武 齊書曰武帝與到撫同從宋明射雉郊野渴倦搗得青瓜與上對剖

食之及帝即位三遷 司徒左長史憶舊也 偉東野之甘珍 傅玄瓜賦曰六月

氣雖狸首之甘美 未若東野之奇偉 亦何傷於蒂苦 古詩曰甘瓜抱苦蒂美棗生荆棘

利傍固有刀 貪人還自賊

事類賦卷第二十七

一四 花臣





